

OFFERYNNAU STATUDOL CYMRU

2020 Rhif 1328 (Cy. 294)

ADDYSG, CYMRU

**Rheoliadau Ffedereiddio Ysgolion a
Gynhelir (Cymru) (Diwygio) 2020**

<i>Gwnaed</i>	- - - -	20 Tachwedd 2020
<i>Gosodwyd gerbron Senedd</i>		
<i>Cymru</i>	- - - -	23 Tachwedd 2020
<i>Yn dod i rym</i>	- -	18 Rhagfyr 2020

Mae Gweinidogion Cymru, drwy arfer y pwerau a roddir gan adrannau 19(3) a (9) a 210(7) o Ddeddf Addysg 2002(1), ac a freiniwyd bellach ynddynt hwy(2) yn gwneud y Rheoliadau a ganlyn:

Enwi a chychwyn

1. Enw'r Rheoliadau hyn yw Rheoliadau Ffedereiddio Ysgolion a Gynhelir (Cymru) (Diwygio) 2020 a deuant i rym ar 18 Rhagfyr 2020.

Dehongli

2. Yn y Rheoliadau hyn, ystyr “mynediad o bell” yw mynediad i gyfarfod i alluogi'r rheini nad ydynt i gyd yn bresennol gyda'i gilydd yn yr un man i fynd i'r cyfarfod a chymryd rhan ynddo ar yr un pryd drwy ddulliau electronig, gan gynnwys drwy gyswllt sain byw a chyswllt fideo byw.

Diwygio Rheoliadau Ffedereiddio Ysgolion a Gynhelir (Cymru) 2014

3.—(1) Mae Rheoliadau Ffedereiddio Ysgolion a Gynhelir (Cymru) 2014(3) wedi eu diwygio fel a ganlyn.

(2) Yn rheoliad 57, ar ôl paragraff (1) mewnosoder—

“(1A) Caiff y corff llywodraethu benderfynu cynnal cyfarfod drwy fynediad o bell os yw'r amodau a ganlyn wedi eu bodloni—

(a) y bydd y cyfranogwyr yn gallu cyflwyno sylwadau neu gyflawni eu swyddogaethau yn llawn (yn ôl y digwydd);

(1) 2002 p. 32. Mewnosodwyd adran 19(9) gan adran 19(2)(b) o Fesur Addysg (Cymru) 2011 (mccc 7). Diwygiwyd adran 210(7) gan adran 21(3) o Fesur Teithio gan Ddysgwyr (Cymru) 2008 (mccc 2). Gweler adran 212(1) am y diffiniad o “regulations”.
(2) Trosglwyddwyd swyddogaethau Cynulliad Cenedlaethol Cymru i Weinidogion Cymru gan baragraff 30 o Atodlen 11 i Ddeddf Llywodraeth Cymru 2006 (p. 32).
(3) O.S. 2014/1132 (Cy. 111), y mae diwygiadau iddo nad ydynt yn berthnasol i'r Rheoliadau hyn.

- (b) bod y cyfranogwyr yn cytuno i'r cyfarfod gael ei gynnal gan ddefnyddio mynediad o bell;
 - (c) bod gan bob cyfranogwr fynediad at y dulliau electronig er mwyn caniatáu iddo glywed a chael ei glywed, a gweld a chael ei weld (pan ddefnyddir cyswllt fideo byw), drwy gydol y cyfarfod; a
 - (d) bod modd cynnal y cyfarfod yn deg ac yn dryloyw.”
- (3) Yn rheoliad 59—
- (a) ym mharagraff (2), yn lle “ysgrifennu’n union cyn y nodyn sy’n cofnodi cofnodion y cyfarfod hwnnw yn y llyfr neu ar y tudalennau a ddefnyddir at y diben hwnnw” rhodder “ysgrifennu yng nghofnodion y cyfarfod hwnnw”;
 - (b) ar ôl paragraff (3) mewnosoder—
“*(4)* Caniateir i’r cofnodion a’r agenda a lunnir at ddibenion y rheoliad hwn gael eu cadw ar ffurf electronig a phan fo hynny’n digwydd caniateir i’r cofnodion gael eu llofnodi’n electronig.”
- (4) Yn rheoliad 72, ar ôl paragraff (3) mewnosoder—
- “*(3A)* Caniateir i gyfarfodydd pwyllgor gael eu cynnal drwy fynediad o bell os yw’r amodau a ganlyn wedi eu bodloni—
- (a) y bydd y cyfranogwyr yn gallu cyflwyno sylwadau neu gyflawni eu swyddogaethau yn llawn (yn ôl y digwydd);
 - (b) bod y cyfranogwyr yn cytuno i’r cyfarfod gael ei gynnal gan ddefnyddio mynediad o bell;
 - (c) bod gan bob cyfranogwr fynediad at y dulliau electronig er mwyn caniatáu iddo glywed a chael ei glywed, a gweld a chael ei weld (pan ddefnyddir cyswllt fideo byw), drwy gydol y cyfarfod; a
 - (d) bod modd cynnal y cyfarfod yn deg ac yn dryloyw.”
- (5) Yn rheoliad 73, ar ôl paragraff (2) mewnosoder—
- “*(3)* Caniateir i’r cofnodion a’r agenda a lunnir at ddibenion y rheoliad hwn gael eu cadw ar ffurf electronig a phan fo hynny’n digwydd caniateir i’r cofnodion gael eu llofnodi’n electronig.”
- (6) Yn Atodlen 7—
- (a) hepgorer paragraff 4 (anhwylder meddyliol);
 - (b) ym mharagraff 7(b), yn lle “gorchymyn anghymhwysu o dan Ran 2 o Orchymyn Cwmnïau (Gogledd Iwerddon) 1989” rhodder “gorchymyn anghymhwysu o dan Orchymyn Anghymhwysu Cyfarwyddwyr Cwmnïau (Gogledd Iwerddon) 2002(4)”.

NODYN ESBONIADOL

(Nid yw'r nodyn hwn yn rhan o'r Rheoliadau)

Mae'r Rheoliadau hyn yn diwygio Rheoliadau Ffedereiddio Ysgolion a Gynhelir (Cymru) 2014 (O.S. 2014/1132 (Cy. 111)).

Mae'r Rheoliadau hyn yn darparu y caniateir cynnal cyfarfodydd cyrff llywodraethu a phwyllgorau cyrff llywodraethu drwy fynediad o bell os yw'r amodau angenrheidiol wedi eu bodloni.

Maent yn dileu'r gofyniad i'r clerc, neu berson sy'n gweithredu fel clerc i gorff llywodraethu neu bwyllgor corff llywodraethu, gofnodi cofnodion y trafodion mewn llyfr neu ar dudalennau a gedwir at y diben hwnnw.

Maent hefyd yn dileu'r gofyniad i'r clerc gofnodi enwau'r aelodau ac unrhyw berson arall sy'n bresennol yn y cyfarfod o dan sylw yn y llyfr neu ar y tudalennau a ddefnyddir at y diben hwnnw.

Mae'r Rheoliadau hyn yn galluogi cyrff llywodraethu a phwyllgorau i gadw'r cofnodion a'r agenda ar ffurf electronig ac i'r cofnodion gael eu llofnodi'n electronig.

Mae'r Rheoliadau hyn yn dileu'r ddarpariaeth sy'n anghymhwysu person rhag dal swydd neu barhau i ddal swydd fel llywodraethwr pan fo'n agored i gael ei gadw'n gaeth o dan Ddeddf Iechyd Meddwl 1983.

Ystyriwyd Cod Ymarfer Gweinidogion Cymru ar gynnal Asesiadau Effaith Rheoleiddiol mewn perthynas â'r Rheoliadau hyn. O ganlyniad, ni luniwyd asesiad effaith rheoleiddiol o'r costau a'r manteision sy'n debygol o ddeillio o gydymffurfio â'r Rheoliadau hyn.